



Inatsisartunut ilaasortaq
Justus Hansen
-/maani

Inatsisartunut ilaasortap Justus Hansenip, Demokraatit, § 36, imm. 1 naapertorlugu apeqqutaanut allakkatigut akissuteqaat.

15. marts 2010
Sagsnr. 2010-027275
Dok. Nr. 328423

Naalakkersuisunut apeqqummi pineqarpoq napparsimasut pilattartinniarlutik utaqqisut tamarmik pujortarunnaarnissamik neqeroorfigineqartarnissaat.

Postboks 1160
Tlf: 34 50 00
Fax: 32 55 05
3900 Nuuk
Email: pn@gh.gl
www.nanoq.gl

Inatsisartunut ilaasortap ima apeqquteqarnera nuannaarutigeqaara:

Naalakkersuisut qanoq isumaqarpat, napparsimavimmi pilattartinniarlutik utaqqisut tamarmik pujortarunnaarnissamik neqeroorfigineqarpata?

Apeqqut tunngavilersorneqarpoq ilisimatusarnikkut angusat arlallit takutissimaagaat pilersaarutaasumik pilattartinniginnermi pujortartarunnaarneq annertuunik pitsaaquteqartoq, napparsimasunut aamma inuiaqatigiit aningaasaqarniarneranut, tassami pilattartinnermut atatillugu kingunipiluusinnaasut amerlassusii ma-lunnaatilimmik annikillisinneqartarmata.

Apeqqut maannakkorpiaq pisunut naleqqulluarpoq, tassami:

- Inatsisiliornikkut sulissutigineqarmat avatangiisit pujortarfiunngitsut qulakkeerneqarnissaat.
- Peqqinnissaqarfimmi aningaasaqarniarnikkut ingerlaavartumik sulissutigineqartuarpoq peqqinnissaqarfimmi nukiit sapinngisamik pitsaanerpaamik iluaqutigineqarnissaat amerlanerpaanut iluaqutaasumik.
- Pinaveersaartitsiniarneq eqqarsaatigalugu pimoorullugu sulissutigineqarmat pujortartartut ikilisinneqarnissaat.
- Inuunerittami piffissamut pilersarusiorfiusumut 2007-imiit 2012-imut anguniakkat ilaat unaavoq: ” *pujortartartunut katsorsaanerup peqqinnissaqarfimmi nukittorsarneqarnissaa* ”

Pujortartartunut tamanut pilattartinnissaminnik utaqqisunut pujortarunnaarnissamik neqerooruteqartarnissaq Naalakkersuisunit tapersorsorneqaannarsinnaavoq, tassami tamanna pineqartumi suliniutinut kissaatigisanullu naleqquttuummat. Piffiit ilaanni tamanna nalinginnaasumik ileqqooriinngippat Peqqissutsimut Pitsaaliuinernullu Aqutsisoqarfik kaammattorniarpara pimoorullugu suliniutigeqqullugu neqeroorutip tamatuma nalinginnaasumik periusinngortinneqarnissaa pilattartinnissamut innersuussinernut tamanut atatillugu. Pingaaruteqarporli er-

seqqissaatigissallugu tamanna napparsimasunut neqeroorutaassammat aammalu taamaallaat napparsimasunut pilersaarutaasutut pilattartinnissaminnut utaqqis-unuinnaq atuutissammat. Kissaatigisaq unaavoq napparsimasut utaqqisut peqqisumik toqqaasinnaanissaminnut naatsorsuutigisinnaasanik iliuusissatigullu piginnaasaqarfigineqartunik tunineqarnissaat.

Inussiarnersumik inuulluaqqusillunga

Agathe Fontain